

REPUBULIKA Y'U RWANDA



INTARA Y'IBURENGERAZUBA

AKARERE KA RUSIZI

E-mail : rusizidistrict@rusizi@gov.rw

BP 253 RUSIZI

ICYEMEZO CY'INAMA NJYANAMA NO...153.....CYO KUWA  
02 GASHYANTARE 2018 GISHYIRAHU INGENGO Y'IMARI  
Y'AKARERE KA RUSIZI IVUGURUYE Y'UMWAKA WA 2017/2018

Abagize Inama Njyanama y'Akarere ka Rusizi, mu nama yabo yo kuwa 02  
Gashyantare 2018;

Bashingiye ku Itegeko Ngenga N0.12/2013 OL ryo kuwa 12/09/2013  
ryerekeye Imari n'Umutungo bya Leta;


Bashingiye ku Itegeko N0.59/2011 ryo kuwa 31/12/2012 rishyiraho  
inkomoko y'imari n'umutungo by'inzego z'ibanze rikanagena imikoreshereze  
yabyo cyane cyane mu ngingo yaryo ya 4, iya 5, iya 57, iya 58, iya 60, iya 61,  
iya 62, n'iya 63;

Bashingiye ku Itegeko N0.87/2013 ryo kuwa 11/09/2013 ryerekeye  
imitunganyirize n'imikorere y'inzego z'imategekere y'igihugu zegerejwe  
abaturage.;

Bashingiye ku Iteka rya Perezida N°25/01 ryo kuwa 09/07/2012 rishyiraho urutonde kandi rigena ibipimo ntarengwa by'amahoro n'andi mafaranga yakirwa n'inzeho z'ibanze cyane cyane mu ngingo ya 3;

Bishingiye ku Iteka rya Minisitiri N° 002/07.01 ryo kuwa 02/07/2015 rigena Amategeko Ngengamikorere y'Inama Njyanama y'Inzeho z'imategekere y'Igihugu zegerejwe abaturage;

**BEMEJE:**



**Ingingo ya mbere: Amafaranga ateganyijwe kwinjira**

Hakurikijwe Imbonerahamwe "A" ikurikira, amafaranga ateganyijwe kwinjira mu Ngengo y'Imari y'Akarere ka RUSIZI mu gihe cy'umwaka wa 2017/2018, ahwanye na **MILYARI MAKUMYABIRI N'IMWE NA MILIYONI MAGANA ABIRI NA MAKUMYABIRI N'ENYE, IBIHUMBI MAGANA ARINDWI NA MIRONGO ITATU NA BINE N'AMAFARANGA MAGANA ANE NA MAKUMYABIRI N'ANE (21,224,734,424 FRW).**

Ibisobanuro birambuye byerekeye ateganyijwe kwinjira mu Isanduku y'Akarere harimo akomoka ku misoro n'andi mafaranga yinjizwa n'Akarere, inkunga ziva mu Butegetsu Bwite bwa Leta ndetse n'inkunga zituruka mu bandi baterankunga batandukanye, biri ku mugereka wa mbere w'iki cyemezo.

*Ayo mafaranga asaranganyijwe ku buryo bukurikira:*

*Imbonerahamwe A:*

1	Amafaranga yinjizwa n'Akarere	2,006,720,106
2	Inkunga z'Ubutegetsu Bwite bwa Leta	12,925,036,692
3	Amafaranga y'Abaterankunga	735,511,469
4	Izindi nkunga zikomoka mu Nzego za Leta	4,001,081,079
5	Amafaranga ari kuri konti z'Akarere mu Ntangiriro z'umwaka (Closing Balance)	1,538,385,078
	<b>IGITERANYO CY'AMAFARANGA YOSE</b>	<b>21,224,734,424</b>

Ingingo ya 2: Amafaranga ateganyijwe gusohoka

Hakurikijwe imbonerahamwe "B" ikurikira, amafaranga ateganyijwe gukoreshwa mu Ngengo y'Imari y'Akarere ka RUSIZI mu mwaka wa 2017/2018 ahwanyeye na na *MILYARI MAKUMYABIRI N'IMWE NA MILIYONI MAGANA ABIRI NA MAKUMYABIRI N'ENYE, IBIHUMBI MAGANA ARINDWI NA MIRONGO ITATU NA BINE N'AMAFARANGA MAGANA ANE NA MAKUMYABIRI N'ANE (21,224,734,424 FRW).*

Amafaranga yose Akarere gateganyije gukoresha agabanyijemo amafaranga akoreshwa mu Ngengo y'Imari isanzwe, igenewe kwishyura Imishahara, kwishyura ibikoresho n'imirimu bihabwa Akarere mu kazi ka buri muni, ndetse n'amafaranga ashorwa mu mishinga y'Iterambere. Asaranganyijwe ku buryo bukurikira.

*ny*

*[Signature]*

*Imbonerahamwe B*

1	Amafaranga azakoreshwa mu Ngengo y'Imari isanzwe	11,399,300,288
2	Amafaranga azashorwa mu mishinga y'Iterambere	9,825,434,136
	<b>IGITERANYO CY'AMAFARANGA YOSE</b>	<b>21,224,734,424</b>

Amafaranga azakoreshwa n'Akarere asaranganyijwe hakurikijwe imirongo y'ingengo y'imari, ibikorwa bijyanye n'ingamba zo kurwanya ubukene (EDPRS), ibyiciro by'imirimo, porogaramu ndetse n'urwego rw'ubukungu nkuko umugereka wa II ubyerekana

**Ingingo ya 3: Uburinganire bw'ingengo y'imari ya Leta**

Uburinganire bw'ingengo y'imari y'Akarere yinjira n'isohoka buhujwe ku buryo buteye butya:

1	AMAFARANGA YINJIZWA N'AKARERE UBWAKO	2,006,720,106
2	INKUNGA Z'UBUTEGETSI BWITE BWA LETA	12,925,036,692
3	IZINDI NKUNGA ZIKOMOKA MU NZEGO ZA LETA	5,539,466,157
4	AMAFARANGA Y'ABATERANKUNGA	735,511,469
	<b>IGITERANYO</b>	<b>21,224,734,424</b>

1	IGITERANYO CY'AMAFARANGA ATEGANYIJWE KWINJIRA	21,224,734,424
2	IGITERANYO CY'AMAFARANGA ATEGANYIJWE GUKORESHWA N'AKARERE	21,224,734,424
3	AMAFARANGA AZAKORESHWA MU NGENGO Y'IMARI ISANZWE	11,399,300,288
4	AMAFARANGA AZAKORESHWA MU NGENGO Y'IMARI Y'ITERAMBERE	9,825,434,136

**Ingingo ya 4: Amahame agenga ingengo y'imari y'Akarere**

Hakurikijwe uburyo bw'ihuzwa ry'ibigize Ingengo y'Imari rusange y'Akarere n'amahame ateguka ko Ingengo y'Imari ihurizwa hamwe, igakoreshwa mu mwaka umwe kandi ikagaragaza ibizinjira n'ibizakoreshwa byose, Ingengo y'Imari y'urwego rw'ibanze ihuriza hamwe amafaranga yinjizwa n'Akarere ubwako, Inkunga ziva mu Butegetsi Bwite bwa Leta, amafaranga y'abaterankunga ndetse n'amafaranga azakoreshwa mu Ngenzo y'Imari isanzwe n'igenewe gushorwa mu mishinga y'Iterambere.

**Ingingo ya 5: Umuyobozi Mukuru ushinzwe gucunga ingengo y'imari y'Akarere**

Umunyamabanga Nshingwabikorwa w'Akarere ni we Muyobozi Mukuru ushinzwe gucunga ingengo y'imari ku rwego rw'ibanze.

**Ingingo ya 6: Gahunda irambuye yo gukoresha ingengo y'imari y'umwaka**

Mu nzego z'ubutegetsi bw'ibanze, iyo ingengo y'imari yamaze gutorwa, Umuyobozi wa Komite Nyobozi mu butegetsi bw'urwego rw'ibanze

amenyesha inzego zemerewe ingengo y'imari, agafatanya na zo gutegura gahunda irambuye y'uko ingengo y'imari izakoreshwa.

Umuyobozi wa Komite Nyobozi y'urwego rw'ibanze, abyumvikanyeho n'abandi bagize Komite Nyobozi y'urwo rwego, atanga uburenganzira bwo gukoresha amafaranga akurikije uko amafaranga yinjira n'uko asohoka na gahunda z'ibigomba kwitabwaho mbere y'ibindi.

### **Ingingo ya 7: Gukoresha amafaranga adateganyijwe**

Birabujijwe gukoresha amafaranga adateganyijwe mu Ngengo y'Imari aho yava hose.

### **Ingingo ya 8: Ifatwa ry'icyemezo cyo kwishyura**

Nta mafaranga yishyurwa hatarabanje gufatwa icyemezo mbere kigaragaza ko azishyurwa.

Umuyobozi mukuru ushinzwe gucunga Ingengo y'Imari y'Akarere agomba kugenzura ko inyemezabuguzi zose zakiriwe n'Akarere zikandikwa mu bitabo byabugenewe mu gihe kigenwe, akanashyikiriza Ministeri ifite Imari mu nshingano zayo impapuro zisaba ko zishyurwa, itariki yo kwishyura itararenga.

### **Ingingo ya 9: Ububasha bwo kuguza ku rwego rw'Akarere**

Mu nzego z'ubutegetsi bw'ibanze, Inama Njyanama y'Akarere ishobora gufata gusa imyenda yo gushora mu mishinga y'amajyambere hakurikijwe itegeko rishyiraho inkomoko y'imari n'umutungo by'uturere n'Umujyi wa

Kigali nk'uko kandi biteganijwe mu Itegeko Ngenga N°37/2006 ryo kuwa 12/09/2006 ryerekeye imari n'umutungo bya Leta nkuko ryahinduwe kugeza ubu. Inzego z'ubutegetsi bw'ibanze ntizifite ububasha bwo gutanga no kwemeza ingwate z'inguzanyo ku mutungo rusange wazo.

**Ingingo 10**: Itangwa ry'uburenganzira bwo kwimura amafaranga avanwa ku ngingo ajyanwa ku yindi.



Ku bireba inzego z'ubutegetsi bw'ibanze, afatanyije na Minisitiri ufite inzego z'ubutegetsi bw'ibanze mu nshingano ze, Minisitiri ufite imari mu nshingano ze akena imirongo mikuru yerekeye uburyo bukoreshwa mu kuvana amafaranga ku ngingo y'imari ashyirwa ku yindi mu ngengo z'imari z'inzego z'ubutegetsi bw'ibanze.

Inzego z'ubutegetsi bw'ibanze zishyiraho amabwiriza agenga ibyo kwimura amafaranga ku ngingo z'ingengo z'imari ajyanywa ku zindi.

Hatitawe ku biteganywa mu gika cya mbere cy'iyi ngingo, kwimura amafaranga ku ngingo uyashyira ku zindi ntibyemewe hagati y'ingingo z'imishahara n'ibijyana nayo n'ibindi byiciro by'ingengo y'imari isanzwe, keretse byemejwe n'Inama Njyanama y'urwo rwego rw'ubutegetsi bw'ibanze.

**Ingingo ya 11**: Ihagarikwa ry'uburenganzira bwo kwishyura n'ubwo gusohora amafaranga

Kuriha amafaranga agenwe mu ngengo y'imari y'umwaka wa 2017/2018 byemewe kugeza ku itariki ya 30/06/2018, ariko kwemererwa uburenganzira bwo gusohora amafaranga azakoreshwa bihagarikwa kuva kuwa 15 Gicurasi



k'uwo mwaka, keretse bitangiwe uruhushya rusobanura impamvu yabyo na Minisitiri ufite imari mu nshingano ze.

**Ingingo ya 12: Ingingo z'amategeko zivanwaho**

Ingingo zose z'iki cyemezo, zibanziriza iki cyemezo kandi zinyuranyije nacyo zivanyweho.

**Ingingo ya 13: Igihe icyemezo gitangira gukurikizwa**

Icyi cyemezo gitangira gukurikizwa Inama Njyanama y'Akarere imaze gutora Ingingo y'Imari y'Akarere kigashyirwaho umukono kandi kikanatangazwa. Gifite agaciro nk'ak'icyemezo gishyiraho Ingingo y'Imari y'Akarere gutera ku itariki ya 02 Gashyantare 2018.

**Ingingo ya 14: Itegurwa n'isuzumwa ry'iki cyemezo**

Iki cyemezo cyateguwe, gisuzumwa kandi gitorwa mu rurimi rw'ikinyarwanda.

*Bikorewe Rusizi, kuwa 02 Gashyantare 2018*

*Umunyamabanga w'Inama Njyanama*

**MUKANDUNGUTSE Vestine**

*Umuyobozi w'Inama Njyanama*

**MVUYINKONGO Jean Claude**

**Bishyizweho Kashe y'Inama Njyanama y'Akarere ka Rusizi.**